

Bunas prestaziuns da Sursilvanas e Sursilvans al campiunadi grischun

Rodund 100 curridras e curriders digl entir cantun Grischun ein separticipai la fin dall'jamna vargada al campiunadi grischun da cuorsa liunga. Pervia dalla munconza da neiv han las cuorsas buca giu liug sco previu ad Ardez, mobein a Ftan. Il campiunadi ei ve-gnius organisaus dil Club da skis Lischana Scuol. Ils pli sperts temps dil di ellas concurrenzias singulas ein vegni contonschi tier las damas da *Désirée Steiner* (Tavau) e tiels umens dad *Isai Näff* (Lischana Scuol, U18).

Dalla Surselva ha *Otavia Vonplon* (CS Castrisch) contonschiu il sisavel rang ella categoria dallas mattatschas sut 14 onns. *Maurin Schmed* (Selva Sagogn) ei daventaus bien 7avel ella categoria dils buobs sut 14 onns. En quella categoria ha *Elia Bisquolm* (Team Panda Trun) schau nudar il 10avel rang. Ina fetg buna prestaziun ha *Luca Deplazes* (Team Panda Trun) mussau ella categoria dils juniors sut 16 onns. El ei daventaus 5avel. *Tylan Michel* (Trin) ei staus il 7avel spert en quella categoria e *Heikki Piali* (Trin) 12avel. (fmr/hh)



Luca Deplazes ha mussau ina fetg buna prestaziun a Ftan.